



柳洲詞選卷二

錢 煥蔚宗

戈元穎長鳴

同里

論定

錢士賁巖燭

陳謀道心微

小令

桃源憶故人

寒食

魏學渠

平郊二月東風度。數點弄晴絲。雨陌上行人來去。總

是傷心處。春光不到冬青樹。蔓草淒清無語。杜宇聲中如訴。銀海茫茫路。

春日

魏允梅

碧簾捲起春風悄。早見薔薇開了。簾外一聲啼鳥。鶯地愁多少。殘紅細綠堦前繞。滿地落花初掃。腸斷烟雲縹緲。誰是忘憂草。

落梅

計敬

小樓昨夜風姨劣。揉碎一庭寒月。不管玉銷香折。閒却雙雙蝶。羅浮好夢從今歇。翠羽啾嘈如咽。此恨倩誰分說。帶雨吹橫鏡。

春恨

凌如恒

東風昨夜催花老。吹落不知多少。飛上海棠黃鳥。宛轉啼春曉。傷懷瘦損腰肢小。不耐相思未了。憔悴懶尋芳草。此恨誰知道。

錦堂春

對月

魏允枚

曲檻疎葵滴露。小山叢桂含風。清宵無限傷心事。欹枕聽寒蛩。瓊戶歲蕤鑰冷。畫樓鷓鴣奩空。幽輝半

逗。呆。愚。入。人。在。月。明。中。

身夜啼

美人春睡

朱以洽

楊柳半含烟。雨夢魂常伴梨花。垂簾不捲。流鶯語春
思。嬾琵琶。好事方來睡裡相逢。未盡吁嗟。爐烟斷
續。催人醒。不覺日將斜。

秋波媚

画眉

曹爾垣

雨餘山翠遠。浮簾鸞鏡曉。慵拈殘粧。昨夜晚涼初浴。
未画纖纖。朝來窓下倩郎添。蟬髮貼宜男。異時只
恐無端。感損愁壓雙尖。

柳梢青

春暮宿湖上

蔣玉立

岸柳毵毵。縷烟如織。遙映澄潭。蘆荻汀邊。枇杷洲上。
月影輕涵。片時一枕江南。夢回後。鶯啼燕喃。錦幄
香沉。瓊窓花暖。春倦猶酣。

柳

許善

画閣平橋。東風蕩漾。綠漲紅消。露拂章臺。風高漢塞。

月曳隋桄。離亭猶記勞勞。繫馬處愁攀翠條。昨暮
遷鶯。今朝掠燕。明日吟蜩。

春望

曹鑑平

繡陌銀塘。繁華舊里。一抹斜陽。玉勒回時。金鈿落處。
暗送風光。流鶯幾度新簧。誰省得天涯斷腸。湘竹
簾邊。相思樹下。多少參商。

寒食

呂升

梨花飛雪。可憐早被東風偷折。芳草爭妍。新茶初試。
禁烟時節。爲誰減損蠻腰。春寂寂。暗傷離別。微雨
弄晴。杜鵑啼徧。愁湯如結。

西江月

青徐道上

陳龍正

蕩蕩春田斷草。依依春女躬犁。欣逢春雨徧公私。春
事慇懃曷已。鳳禁方隨春去。燕巢先計春歸。年年
春澤與天齊。朝野春光同媚。

宮詞

李燧

皎皎影娥浮玉。熒熒火鳳啣珠。猩紅一抹展羅瑜。人
在掌中輕舞。下直曉鐘初送。歸來殘月相扶。回頭

彷彿聽人呼。錯應簷前鸚鵡。

秋夜

陳謀道

永夜銀河影動。滿園丹桂香來。寒烟秋鎖舊亭臺。傍水蒹葭一帶。倚檻月明如晝。江天鴻雁聲哀。東臬携杖獨徘徊。目斷吳關楚塞。

一絡索

感舊

曹偉謨

寂寞王家桃葉渡。見亂紅無數。幾回醉醒撩人愁夢。裏事將誰訴。雲期雨會知何處。想凌波仙步。含情

欲語更尋思。須檢點閒情賦。

惜分飛

感舊

曹爾埏

簫管秦樓空回首。烟草殘陽渡口。記得當初否。燒燈此夜同携手。此夜懽情濃于酒。無緒調冰雪藕。自入侯門後。斷腸重問章臺柳。

尋芳草

別恨

夏完淳

幾陣杜鵑啼。却在那杏花深處。小禽兒喚得人歸去。

喚不得愁歸去。離別又深春。最恨也多情。飛絮恨。
柳綿繫得愁。任繫不得愁人住。

少年遊

雪夜

孫玄鑑

紅袖半遮。雕欄全失。暮景太分明。黃竹歌殘。玉梨香。
透羌笛一聲聲。原來着盡西風力。還似絮花輕。寶
枕生寒。薰籠微暖。冷處且關情。

醉花陰

新柳

戈元穎

片雨弄愁。愁未了。柳眼窺春蚤。深處未。鷺來弱影絲。
絲。翠入晴江小。鵝黃半怯。烟光曉。剪出東風巧。借
問馬頭人。長短亭前。畱得青多少。

鏡檻觀荷

曹鑑章

日轉朱闌。花影碎。竝蒂牽衣袂。好景莫蹉跎。綠蟻青
樽。唱徹金塘內。落霞點點飛天際。滿目雲山翠。拚
我酒腸寬。玉露沉沉。花比人先醉。

青門引

秋思

凌如恒

秋老梧桐院。幾樹芙蓉新艷。雙雙燕去。画梁空。重門深掩。不禁悲團扇。傳書雁。杳情難遣。翠蹙愁眉。歛相思。獨有明月照人。兩地今宵遍。

南柯子

月中登眺

朱泗漣

玉宇星初動。金波月乍隴。引人秋思入雲中。幾處柝聲迢遞。戍樓空。烟樹千家暝。霜花四照同。散歸分手各西東。還向石欄干畔。洗梧桐。

晚泊

陳秉

夾岸芙蓉紫。遙天雁影斜。半林紅葉照山家。款乃數聲漁棹。出蘆花。把酒邀新月。推蓬枕落霞。一江星斗漾晴沙。最是晚鐘蕭寺。暮雲遮。

卽事

曹爾埴

促織催殘暑。芭蕉捲嫩涼。岸旁蘋老蓼花香。兀聽無情哀雁度銀塘。露冷砧敲亟。天寒柳變黃。西風颯颯淡秋光。還憶去年別後。尚他鄉。

杏花天

愁

王國瑛

一江綠水流難去。無數青山遮不住。夢魂欲識相思路。爭奈風風雨雨。病來時。鳳琴誰訴。酒醒後。鸞衾空誤。小樓倚遍。闌干處。數盡朝朝暮暮。

月照梨花

本題

丁胤沄

薄霧黃歛。輕烟碧散。夜靜無聲。繡簾庭院。嬌影幾處橫斜。暈梨花。仙宮早已消繁艷。飛來白燕。粧得春風倩。粉墻玉砌。知阿誰。空度相思閉門時。

浪淘沙

江行遇雨

陳龍正

風急暮雲多。濕遍青簑。漁翁猶自唱江歌。我醉半途山色捲。起立婆婆。雙鳥暗驚波。鳴近烟蘿。似從鄉國遠來過。此地風濤。隨處是歸去如何。

詠草

王屋

一幅舞裙腰。遮過溪橋。和烟和雨晚迢迢。寶馬莫教青處放。畱待花朝。憶得去年遙。野火初燒。微痕猶接冶雲高。翠輦不臨谿谷暗。拋損宮袍。

題大兄村居

錢繼振

水木湛清華。有個山家。柴門開向綠谿斜。茶竈未安亭未穩。先種梅花。春暖看東畝。兼辦魚叉。道傍誰識故侯瓜。夢醒豈長無一事。放了蜂衙。

聞春榜口占

錢繼章

往事不堪談。休更憑欄。年華冉冉入吟髯。且喜長安下第日。身在江南。何處較青藍。夢裏邯鄲。曲橋花影覆澄潭。一領烟簑三尺釣。滿眼春山。

姑蘇懷古

倪晉

遙憶闔閭城。銷夏烟昏。當年若個仗青蘋。記得胥臺初突兀。夜夜消魂。誰想苧蘿人。響屧生春。而今憑弔泣芳蓀。唯有蠲鏤光不滅。隱隱齊門。

經友人廢宅

孫錄

亭榭碧苔封。草長烟濃。遍山啼盡杜鵑紅。忽憶當時行樂地。院宇重重。掣電夢魂中。蕉鹿無踪。一簾涼月五更鐘。客散孟嘗誰是主。門掩西風。

春恨

曹鑑平

春色映湘簾。暗惜韶年。暮雲凝碧舊輕烟。不管銷魂還未了。催貼金鈿。芳草正芊芊。無限堪憐。小桃窻

下對花眠愁上。心頭推不去。風雨啼鵲。

七夕

錢士賁

嘹唳一聲鴻。疎雨梧桐。佳期縹緲碧虛中。始信巫山
非是幻。天也情鍾。聚散苦匆匆。此怨無窮。今年光
景去年同。卻恐明年。靈鵲去。擬借長虹。

贈別白門盛伯含

把盞酌西風。欲別何從。雪深茅塢。畫圖中小米片帆
連遠水。人物關仝。何處着萍蹤。蕭寺疎鐘。秣陵佳
麗古今同。欲向陳隋。談往事。目送飛鴻。

春閨

周振藻

鶯燕太匆忙。旖旎風光。玉梭和淚織流黃。感得遠山
眉又淺。怕整殘粧。今夕在何鄉。羅綺餘香。空教寶
瑟弄初涼。眼底青春。今去也。花落銀牀。

△ 閨思

孫復煒

雨過黛烟浮。細草初抽。斜陽外野渡扁舟。載不盡春
愁。萬斛。夢斷秦樓。獨自鼓箜篌。羞撥銀鈎。費相思
百種離憂。都挂在垂楊樹上。紅杏枝頭。

戀繡衾

閒居次放翁韻

支遵范

莫訝苦錢不似蓬。問才名誰似放翁。聽到密林深處。
帶霜敲塵外曉鐘。 矧墻爲倩山頭補。更奇雲幽沼。
幾重座上春風消息。怕而今還在夢中。

雙調望江南

△ 江行

周 珂

江聲咽。暝色走寒沙。水底青山啣落日。天邊綠樹挂
殘霞。隔浦一帆斜。 西風老。飄泊向天涯。數點啼鳥
驚落葉。扁舟明月。載蘆花。今夜宿誰家。

摘紅英

△ 蚤春

李 鄂

潮頭白。峰頭碧。落梅香暗漁翁笠。西風透。東風驟。待
得晴明。鶯花時候。 鶯聲澀。花聲寂。春來已蠟看山
屐。山如舊。春如繡。層樓望處蒼寒紅瘦。

庭院深深

寄懷張玉笥

周丕顯

憶昔牙門曾握手。滿堂朱履相迎。軍中蘆管送新聲。
開宴徹天明。 幾度流光成往事。衰年到處關情。開

來倚劔望臺城。別離多少恨。朝暮逐潮生。

鷓鴣天

題村叟屋壁

袁黃

袖手春林散翠鬟。莫嫌此地少青山。酒逢社日添酬應。花到開時費往還。松老大。竹平安。柴荆雖設不常關。旁人方訝茅簷窄。鴿戶蜂房去半間。

夜坐有感

朱曾省

長門淡樹移金屋。小閣殘砧露如沐。紫塞笳收毳帳寒。朱軒舞罷湘簾肅。旅愁深。閨思屬。關山萬里幽

魂逐茅店雞聲耿。寂寥蘆汀雁夢初。翻覆

閨思

魏學洙

輕捲新簾試晚晴。山烟高起水波平。花多墜粉三分瘦。蝶并遊絲一樣輕。君子去。意如醒。金錢何處卜歸程。夢來不識遼西路。錯怨黃鸝枝上鳴。

舟行

李標

柳岸蟬聲過雨餘。蒹葭野水望中疎。身緣惜福辭名早。筆爲窮愁學著書。村店酒。小航魚。老人新得伴。樵漁。當年金馬開多少。容得相如獻子虛。

偶成

孫纘祖

斜枕琴囊數落霞。新移水檻占鷗沙。溪童截蟹初收藥。鄰叟封泥晚護瓜。澆白酒看黃花。安排風景當生涯。山僧剛載清泉到。折得松枝試芥茶。

重陽前集赤茂東園看桂

沈 湛

北阮園亭南阮連。小山叢桂百枝鮮。風流才子爭攀折。親與休文插鬢邊。花覆處恰排筵。卮如白玉酒如泉。風風雨雨重陽近。還擬東籬一醉眠。

九日

曹爾堪

節屆重陽覺薄涼。閉門消得一杯漿。繞籬菊賤先開紫。食稻螯肥漸有黃。城角下小亭荒。刪夷秋草受秋陽。登高不用茱萸袋。自有奚奴舊錦囊。

壽人

周宏藻

絲筆當年錦樣新。浩歌行踏四山雲。同時酒伴今誰是。滿眼風光獨老身。桃葉伎石榴裙。回看昨日氣嶙峋。啣杯不飲君何待。笑指巫陽一段春。

西湖感懷

陳 昌

酒旆飄搖兩岸風。當墟誰不羨臨邛。蘇堤十里花

浪一棹滄浪明月中。山似黛翠烟重。六橋遙對兩
高峰。白雲遙指南朝寺。歌管樓臺類轉蓬。

息園感舊

錢炯

碧砌紅欄帶曉烟。蒼涼風物舊平泉。荷翻疊浪朱顏
擁。柳趁新晴黛色妍。思往事。憶當年。呢喃嬌燕画
梁邊。傷心漫灑西州淚。十二園陵哭杜鵑。

春暮

孫以錚

煤麝沉沉燼未銷。流鶯學語坐煙梢。雨梳石甲龍孫
路。風撲泥香燕子巢。開水榭。試羅襖。銀閨午倦捲

鮫綃。閒庭忘却春深淺。夢踏殘紅譜碧簫。

漁父

戈元穎

野水蒼茫浸碧天。細香黏浪過橈前。榆條穿鯉江村。
賣城市。風波怕轉船。楓樹下。荻花邊。呼兒吹火手
烹鮮。棹歌劃破溪痕綠。醉脫簑衣伴鷺眠。

九日

陳暉吉

紅蓼灘頭白露晞。碧天無翳遠霏微。一樽滿酌陶潛
酒。籬下逡巡且莫歸。蓉乍吐。菊初肥。當頭明月肯
相違。閒登小閣橫吹笛。醉把茱萸餞落暉。

一七令

雪

呂 寓

雪。迴。翔。瑩。澈。舞。瓊。英。飄。玉。屑。驢。背。行。吟。雞。聲。遠。咽。樓。
深。芋。火。微。林。補。梅。花。缺。漁。翁。釣。罷。江。寒。山。叟。樵。歸。徑。
絕。謝。女。庭。前。絮。共。飛。蘇。卿。窖。內。氈。同。鬻。

玉樓春

春日

姚 綬

東風寒悄人何處。百里幽烟猶未遇。看春不覺又清
明。楹外梨花開幾樹。相思心逐東流去。老天肯把

韶光駐陌頭。楊柳正青青。莫教容易飛香絮。

虞美人

咏虞美人花

魏學濂

為疑芍藥花差早。萼荷花還小。小問誰傳向此中。栽愁
殺八千人散楚魂埋。風流西楚軍雖敗。忍把君王
賣。特畱寸草報恩深。能使楚歌歌盡不移心。

又

君王羞見江東死。何事儂來此。最悲亭長古人風。載
得。一。船。紅。淚。過。江。東。江東父老深憐我。栽我千千

采至今畱取好容顏。爲問重瞳却復向誰看。

感舊

吳自求

翩翩燕子同飛絮。愁向烏衣曙。春來秋去幾番風。惟與呢喃雛燕話晴空。 呆思雲棟知無改。王謝今誰在。莫教拭淚向秋雲。縱有景陽鐘漏不堪聞。

小重山

惜春

蔣會貞

無數遊絲裊碧空。飛飛雙燕子入簾櫳。桃花如雨夕陽中。風定處芳草襯殘紅。 何事最愁儂。畱春春不

住。小眉峰。惜春無奈怨狂蜂。春已去。粉蝶過墻東。

南鄉子

子閑納雙寵戲贈

錢繼章

茉莉晚涼天。角枕橫施壓鬢蟬。郎似西陵潮有信。誰先妾似初生月半弦。 旖旎若爲憐。不辨巫峰與雒川。妾似芙蓉花上露。誰妍郎似荷珠到處圓。

宮詞

支隆求

奈漏永更殘。指望金鑾夢裡看。且莫把疎簾半捲。難空對巫山曲未彈。 悵夜月雕鞍。淚濕羅衣幾日

乾也○曾記當年寵眷○漫漫此去○沉淪對影寒○

感懷

李焯

談笑解吳鉤○客滿西園花滿洲○記得河橋分手路○悠
悠哀笛山陽幾度秋○灑淚向神州○極浦遙天不盡
愁○花月春江渾似夢○休休老作人間馬少游○

村行

陸淮

迢遞水雲鄉○飛落西風樹葉黃○幾曲板橋人過少○斜
陽晰晰蛩聲徧草塘○禾黍晚烟涼○一字寥天雁影
長○徑竹籬花村步遠幽香○家在青帘酒舍旁○

送別

周珽

他日寄相思○盃酒尊前且莫辭○此去鄉關誰是主○遲
遲夢到天涯又幾時○折盡綠楊枝○難得歸期惜別
期○目斷扁舟人似醉○依依不怨長風怨落暉○

秋閨

朱泗濬

潛立小亭西○秋剪雙眸霧剪衣○綉出茱萸金縷帶○依
依欲結同心會又稀○黃蝶滿園飛○醉盡丹楓客夢
迷○遙見一鈎雲縫裡○熹微漫指新蟾學画眉○

春思

凌如恒

日煖燕差池。綃帳香濃影乍移。楊柳帶風千縷。緜絲
絲淡掃春山。雨後姿。何事費相思。昨夜梨花月滿
枝。爲問青驄歸也未。遲遲。屈曲欄干徧倚時。

秋夜有感

呂升

桂影壓衰荷。午夜空堂悄自過。月冷香清眠未穩。蹉
跎。又向東牆上薜蘿。幽意托雲和。一端詳恨轉
多。短褐困人憔悴也。悲歌。阮籍途窮哭奈何。

七夕後二日立秋爲織女賦

支毓祺

雲路息華輶。羲馭倏倥惚。又兩周。閒托香腮。思底事。颺
颺。幾陣涼風弄早秋。嬾雀靜河洲。隱約星橋不再
浮。漫擲金梭。人寂寞。悠悠。只有離情與別愁。

灌花

錢爓

瓜架未曾收。砌下初花已報秋。睡起海棠新病渴。知
不。怯怯。水肌掩袂愁。玉露滿溪流。汲水無端起倦
鷗。解語能知人意厚。含羞。錦片清光贈小樓。

踏青

陸凝

花撲曉窓明。粧淡春濃不奈行。蝶翅簸晴香力軟。輕
輕。纔下芳堦。拂鬢迎。拾翠舊遊程。紅豆曾拋柳外。

鶯○深○院○誰○家○烟○樹○隔○亭○亭○吹○出○鞦韆○笑○語○聲○

雨中花

秋夜

周振藻

無○限○秋○光○簾○外○透○金○風○又○送○淒○涼○晝○數○點○疎○星○半○輪○
明○月○早○是○黃○昏○候○對○酒○當○歌○頻○戟○手○事○業○炎○劉○君○
記○否○碧○海○桑○田○千○秋○如○夢○若○箇○能○回○首○

春暮

魏允札

春○事○闌○珊○春○意○惱○生○怕○是○情○花○語○鳥○看○桃○浪○流○紅○柳○
烟○疑○綠○枝○上○青○梅○小○踏○遍○東○風○城○闕○曉○數○不○盡○巾○
綦○衣○縞○便○恨○惹○遊○絲○情○縈○飛○絮○沒○箇○人○知○道○

瑞鷓鴣

陳園

袁仁

長○安○宮○殿○總○成○塵○悵○望○豪○華○立○水○濱○荒○苑○有○禽○春○草○
碧○故○園○無○主○野○花○新○習○池○錦○帳○風○前○絮○金○谷○明○珠○
夢○裏○人○試○看○武○塘○川○上○月○已○沉○幽○澗○照○青○蘋○

穀雨

支大綸

當○門○蘭○蕙○故○應○鋤○滿○路○荆○榛○詎○易○除○雲○水○更○無○修○禊○
侶○由○拳○剛○有○未○焚○書○啞○啞○猿○鶴○聲○猶○咽○楚○楚○松○筠○

葉乍舒。滿目江湖休措足。祇宜拚杖入匡廬。

閉關茜水上書壁

王屋

收將短翮寄空村。旦旦看雲到日昏。偶愛高眠非避客。不嫻拜揖且關門。時花幽鳥須吾伴。品石栽松頗自尊。但覺曉來窓紙暗。不知林竹幾添孫。

贈友人納寵

陳哲庸

珠簾曲檻繞迴廊。明月團團桂子黃。連理枝頭巢翡翠。同心帶上結鴛鴦。新粧試罷芙蓉粉。清夢回時豈蕊香。行樂應憐秋夜短。風流重整顧周郎。

一斛珠

客中夜泊

沈玄齡

月明霜皎。千峰紅樹攢。閩嶠杜鵑啼徹。林猿嘯。夢繞天涯。更亂山縈抱。迢迢尺鯉春難到。長空哀雁衝寒叫。扁舟溪澗風逾峭。載盡離愁。只恐扁舟小。

佳人

曹爾埏

新粧初了。眉尖画出春山曉。羅衣欲換餘香裊。六幅湘裙。剛露珠綦小。寶釵團鳳鏤金巧。一枝斜帶宜男草。珠簾獨捲東風悄。漫道如花人。比花還好。

醉落魄

春日即事

錢燁

曉廉紅濕。苔痕點點粘遊屐。賣花人叩柴扉急。試問誰耶帶雨提花入。床頭自笑囊羞澀。生前應與花相識。逢春漫把春風擲。烟草纍纍盡是愁中客。

梅花引

弔小青

施鑒

損紅顏。洗芳鈿。應變梅花為杜鵑。浪痕圓。淚痕圓。谿畔鏡中須教。形影憐。孤山空鎖千條雪。斷橋閒夢。三更月。画誰傳。句誰傳。西閣綠陰遺。琴何處懸。

虞美人 第二體

七夕後周上衡納姬

毛蕃

朱輪翠幃天孫至。此夜相思遂。傳聞牛女渡河時。鵲橋初七是佳期。莫嫌遲。而今新綰同心結。正舊時。桃葉燈前携手喚卿卿。十年幽恨最關情。怕分明。

惜分釵

悵別

旗亭柳。陽關酒。數行珠淚空迴首。五花駒。七萌車。妾

向空聞君向京都徐徐。携君手莫相負苦心蓮子。曾知否絳紗裙碧油襦細語叮嚀珍重前途嗚嗚。

踏莎行

賦茉莉花

王屋

淨洗鉛華多添沉炷。幽香一種偏宜暑。曉粧樓上鏡中看。分明月窟逢青女。雅素非常冰霜自許。水晶簾下聞私語。數將瓊蕊囑鴉鬟。莫教夜半郎先取。

園居

錢棨

涼雨新生竹梢微動。簾前驚醒鸚歌夢。小紅數點逗溪香。斜陽一抹開漁弄。棄世君平灌園齊仲閒。驅煙墨元和宋秋懷。窄窄浸林泉。愁腸却共雲山凍。

又

廊曲隨波雲歸橫岫。隔庭子落消清晝。竹邊携卷水邊吟。山情溪理全歸右。七夕剛過中秋到。又垂簾不許桐颺透。短籬涼覆菊苗肥。蘋洲月冷昏黃瘦。

春閨

李標

硯點飛花簷沾弱絮。爐烟小誤湘簾暮。春風不解動人情人情怕送春歸去。愁病慵梳相思難句天涯。

草滿人何處。休休莫更倚危欄。遠山正是愁來路。

早秋

徐遠

零雨初收。金波乍轉。搗衣雙袖臨風捲。銀床薤簟陡
生涼。遲眠且撲流螢扇。草綠長門。荷殘別院。如絲
情緒如雲亂。無端蟋蟀響西堂。井梧葉葉關心顫。

九日登雨花臺

錢棟

感慨繇中。雲山自古。壯哉城郭含風雨。梁隋幾點掛
人心。迴潮斷嶺興亡譜。入眼禽魚。隔林鐘鼓。涼楓
空處殘鴉補。荒臺誰擔菊花來。當時說法兼歌舞。

又

碎石依苔。危沙養樹。雨花却也如風絮。蕭家天子聽
經來。而今牧豎登高處。舊瓦新炊。遙鐘近寺。三人
杖入天花路。孤情延望接荆吳。白門自昔多烽戍。

觀漲

沈淀

牛漢遙臨。蟻橋難拄。丸泥封缺無完堵。秋光不肯照
行人。垂垂簾幕風兼雨。傳說江干。驚聞金鼓。波喧
應有蛟龍怒。東南吳楚隔天涯。如何便作瀟湘譜。

避地

言
梧子猶青。楓林未赭。田翁爭候吹幽雅。山厨禾飯等
胡麻。驚看野燒殘陽下。院宇深沉。琴樽瀟灑。白榆
歷歷真堪把。終南何幸在。人間人。間偏說終南假。

湖上

計善

城郭山間。亭臺水際。白雲紅樹秋風紅。西陵橋畔夕
陽時。画船簫鼓聲搖曳。遐想當年雅人高寄。梅魂
鶴影。餘苔砌。是誰能上酒樓來。羅衫愁徧。欄干倚。

寄秋佩

魏允枚

遼水曾波。陽關三弄。春深未解榆溪凍。可堪臨別情
無言。終朝淚漬青衫重。尺素魚傳。帛書雁動。月明
萬里愁心共。不知後會是何年。五更蝴蝶還家夢。

秋閨月

李炳

曲檻迴廊。錦屏朱戶。一簾碧影因誰度。嫦娥恒向缺
重圓。人間擬作瓊樓賦。笛裡關山。雁傳尺素。問伊
遠去誰憐護。羸他千里共清光。雲衣冉冉休相妒。

咏蟹

徐之陵

篝火尋來。沿沙拾得。青匡紺甲伸盈尺。山厨刷釜試
烹嘗。江南風味應難匹。肪摺琉璃。膏粘琥珀。最供

迂叟閒挑剔。林僧書到戒杯觴。因君不覺浮歡伯。

卽事

錢霞

風剪殘紅。雨肥新綠。沙鷗點點閑爭浴。隔江帆掛賣

斜界遙峰矗。土笋剛尖。櫻桃遲熟。新詞

續瑣窓消受許多清。春來尤帶看花福。

